

中國史學叢書

何炳松主編

王馨一著

甲八五

劉伯溫年譜

商務印書館發行

中國史學叢書

何炳松主編

王馨一著

劉
伯
溫
年
譜

商務印書館發行

中華民國二十五年九月初版

平

(97231)

中國史學叢書 劉伯溫年譜一冊

每冊實價國幣肆角伍分

外埠酌加運費匯費

版權所
翻印必究

著者

王馨

一

主編者

何炳松

發行人

王雲五

印刷所

商務印書館

發行所

商務印書館

上海河南路

上海及各埠

(本書校對者 王永榜 謝雨東 沈抱欽)

劉伯溫年譜

承齋



天下有道其言足以興天下無
道其默足以容惜乎劉公未能
盡其默耳

以立夫題



素直儒林

金公亮



退隱還鄉元進士金陵陳
策契朱明多君獨秉留
綱筆寫盡文成事一生
閒遠贈劉基為太師論文成

國史何以家乘張文章以
外愛多能青田山接青城
水曠代傳人共一鑑

馨一先生屬題所著劉伯溫年譜
財奉酬 看露樓主熙宇



王君馨一以所輯劉文成公年譜見示讀竟作而
歎曰先生學術際遇媲美諸葛武侯而不免為
僉壬所中者吾乃今知其故矣蓋武侯澹泊寧
靜謹慎過人先生則英華發外稜角峭厲其愠
於羣小固宜蜀漢先主亦一世之雄而待武侯實
能推心置腹明祖於先生雖甚倚畀究未全
泯其猜忌之心也雖然士君子生當亂世目覩斯
民塗炭欲本其所學援登衽席既得君而事誠
不當以隱遯鳴高武侯盡瘁蜀漢先生佐明成大
業其揆一也今世變亟矣苟有如文成其人者雖執
鞭所忻慕焉

休甯孫熙鼎書後



劉伯溫年譜

劉基字伯溫，青田人。明史傳世居青田九都南田山之武陽村。

黃伯生誠意伯劉公行狀：「公諱基，字伯溫。世爲處州青田人。」

張時徹誠意伯劉公神道碑銘：「文成劉公，其先豐沛人也；後徙鄆。延慶者，宋宣撫都統少保楊厥子光世，以平方臘功，爲兵馬總管。高宗南渡，部兵以從。累官開府儀同三司，錄尚書事，進太師。楊國公因家臨安。子堯仁，過麗水而樂之，遂徙其邑之竹洲。四傳至集，又卜居青田之武陽，去縣治者百五十里，世所稱南田福地也。俗尙儉樸，有唐風之遺焉。遂世定厥居。」

洞天福地記：「古稱七十二福地，南田居其一。誠意伯劉基世居此山。」

青田縣志敘山：「南田山：縣南一百五十里，萬山之巔，獨開平壤數十里，號南田福地。下有黃莊。

樓，百丈深，右有吳埠橋。山周圍廣袤二百里，多田，土寒，止宜稻；而麥、麻諸蔬少生焉。歲旱，豐稔如常。劉誠意世家此。」又古蹟：「劉誠意宅，在九都南田山，近武陽祖墓。」

劉耀東南田山志：「武陽村在武陽尖之南麓，南田鄉北十里。節世稱武陽爲誠意伯故里。」

先生有題富好禮所畜村樂圖詩，縷敘南田鄉居情景。詩云：「我昔住在南山頭，連山下帶清溪幽。山巔出泉宜種稻，繞屋盡是良田疇。家家種田恥商販，有足懶登縣與州。西風八月淋潦盡，稻穗櫛比無蝗蝻。黃雞長大白鴨重，瓦甕琥珀香新菽。芋塊如拳栗殼赤，獻罷地主還相酬。東鄰西舍迭賓主，老幼合坐意綢繆。山花野葉插巾帽；竹筍漆碗兼蠶甌。酒酣大笑雜語話；跪拜交錯禮數稠。或起頓足舞侏儒，或坐拍手歌甌篰。傾盆倒榼混醯醬，爛熳沾漬方未休。兒童跳躍助喧譟，執楯逐走同俘囚。出門不記舍前路，顛倒扶掖迷去留。朝陽照屋且熟睡，官府亦簡少所求。寧知晏安含酖毒，未相一變成戈矛。高門大宅化灰燼，蓬蒿瓦礫塞道周。春燕營巢在林木，深山露宿隨猿猴。」

錢喜選劉文成故里詩：「先生本醇儒，所用皆儒術。帷幄祕英謀，大要六經出。陰陽識緯家，害道同楊墨。星氣蠱秦皇，不救二世失。漢儒引符命，覬覦啓亂賊。以此推先生，俗人誤耳食。明祖昔禮賢，干旄在巖穴。同至四先生，義爲天下屈。並以禮學徵，良由稽古力。忠孝有本原，啓後正無忒。遜國長史殉，豈惟子善述？我來先生里，考信具得實。遺書尙有存，雜糅無所及。祠堂古木森，豐碑字不滅。志就

世所疑，迹與莘野一。知臣莫如君，乃謂子房匹。功烈或相當，未可語同日。惜哉漢留侯，語怪祠黃石。」
吳捧日詩：「一嶺摩天上，風雲擁古村。高疑通上界，俯可數中原。地峻羣山小，林疏老樹尊。」

我懷誠意伯，猶有典型存。」
韓錫胙詩：「小溪百里巨濤翻，信宿輕翔溯嶺根。飛鳥懸崖疑蜀道，

雞鳴深樹有桃源。隴頭水漱雲千疊，霧脚風生雨一村。祠屋武侯嗟異代，空山何處聽微言？」
端

木國瑚詩：「雲圍石圃萬峯稠，水繞平田百澗流。林靜四時遺鶴羽，山深五月有羊裘。移家好逐葛

仙去，棄世誰從松子遊。歎息文成歸未得，南陽零落草廬秋。」
端木百祿詩：「武陽亭外野人廬，

羊舞當年入夢無。活到萬人天必報，乃翁原不識青烏。」

幼穎異，博通經、史、諸子、百家。學於鄭復初，得濂洛心法。於天文、地理、兵法、數學，尤極精通。

傳：『幼穎異。其師鄭復初謂其父燦曰：「君祖德厚，此子必大君之門矣。」』
節基博通經、史。於書無

不窺，尤精象緯之學。西蜀趙天澤論江左人物，首稱基，以爲諸葛孔明儔也。」

行狀：『年十四，入郡庠，從師受春秋經。人未嘗見其執經誦讀，而默識無遺。習舉業，爲文有奇氣。決

疑義，皆出人意表。凡天文、兵法諸書，過目洞識其要。講理性於復初鄭先生，聞濂洛心法，卽得其旨

歸。先生大器之，乃謂公父曰：「吾將以天道無報於善人，此子必高公之門矣。」」

弇州史料：「少穎敏絕羣。善經學；傍通天官，陰符家言。」

性剛毅，善策劃，多陰德。

傳：「性剛嫉惡，與物多忤。」

碑銘：「生平剛毅慷慨。有大節。每論天下安危，則義形於色。與人交，洞見肝腑。至義所不直，無少假借。雖親之者以此；而忌之者亦以此。惟上察其至誠，任以心膂。公以爲不世之遇。知無不言。每遇急難，勇氣奮發，計劃立就，儔輩莫能測也。」

行狀：「居鄉里，守禮義，尙節儉，多陰德，不以富貴驕人。」

虬髯貌修偉。

傳

能文，與宋濂並爲一代之宗。

傳：「所爲文章，氣昌而奇。與宋濂並爲一代之宗。」

四庫全書提要：「濂文雍容渾穆，如天閑良驥，魚魚雅雅，自中節度。基文神鋒四出，如千金駿足，飛

騰飄瞥，驀澗注坡。雖皆極天下之選；而以德以力，則有間矣。」

錢基博明代文學：「基雄邁有奇氣；而濂自命儒者。然基鍊氣入道，而不爲濂之汎濫；又造辭欲潔，亦不如濂之曼衍。濂蛟騰鳳起，其文贍；基劍氣珠光，其辭嶄。」

日本高桑駒吉中國文化史：「其文，雄奇豁達。」

萬里補刻明太師誠意伯劉文成公集序：「公之文深、遠、浩、博。」

工詩、詞，詩與高啓齊名。

四庫全書總目：「其詩沈鬱頓挫，自成一家，足與高啓相抗。」

王世貞藝苑卮言：「才情之美，無過季迪；聲氣之雄，次及伯溫。」

汪端明三十家詩選：「五言古，元季多近纖靡，劉文成起而振之，醇古遒鍊，抗行杜陵。」

錢基博明代文學：「銳意摹古，獨標高格，力追杜韓；而出以沈鬱頓挫，遂開明三百年風氣。而樂府高於古詩，古詩高於近體；五言近體，又高於七言。」

龍沐勛中國韻文史：「基振奇人也。爲詩獨標高格，極見抱負；而尤工樂府。」


萬里補刻明太師誠意伯劉文成公集序：「公之詩，瑰瑋、奇麗。」

家世：

宋宣撫都統少保劉延慶，鄆延人。少保之先，無可稽考。子光世，累官開府儀同三司，錄尚書事，進太師，揚國公，諡武僖王。光世子堯仁，隱居不仕。由臨安徙麗水竹洲。堯仁子集，自竹洲徙青田武陽。集子濠，字浚登。宋翰林掌書，慈惠好施。每淫雨積雪，登高而望，里中有不舉火者，卽分廩賑之。宋亡，乃荒遯自適。時有林融者，倡義旅，事敗。元遣使至境，糾察餘黨，盡殺之。鄉豪挾仇投籍。使者逮無辜至萬餘人。濠適往謁，閱籍知狀。歸，悲忿不能就寢。會天大雪，用其八歲孫燐計，具酒肉，邀朝使宴飲，至夜沈酣，翼臥小樓，探袖取牘，錄其巨魁二百人懷之。因積薪樓下，縱火，延燒及樓，使者脫走，求牘，因出懷中二百人授之。朝使馳上，命下止戮如濠所錄。存活無慮萬餘人。論者謂其陰德之厚，其後必大矣。濠子庭槐，字尚德，爲太學上舍。究極天文、地理、陰陽、醫、卜諸書。洪武三年，追封永嘉郡公。槐生燦，字如晦，通經術。元遂昌教諭。是爲先生之父。洪武三年，追封永嘉郡公。先生祖母梁氏，母富氏，皆封永嘉郡夫人。弟陞，當先生赴京陳策時，領衆禦國珍。民賴以安。先生娶富氏，封永嘉郡夫人。繼室

陳氏，章氏。子男二人，長璉，次璟，皆陳氏出也。女二人，長適吳彪，次適沈安，皆章氏出也。孫男四人，廌、麋、豹、驍。據行狀碑銘及劉燿東南田劉氏之家世

南田山志附劉族世系表：「草創山志，擬作氏族表。求諸舊家之譜，或闕焉不詳；或靳而勿與。乃取吾族譜考，索其世系與人數，及有出身官職者著之。未能詳盡也。」茲據劉表，參酌傳狀，自先生始，至最後一世襲封伯爵止，列爲世表：



八世 九世 十世 十一世 十二世 十三世 十四世

七四人 一〇九人 一五九人 二六九人 三四九人 五五八人 七九一人

二八人 五二人 六九人 一〇五人 一二七人 一九七人 二一六人

四六人 五七人 九〇人 一六四人 二二二人 三六一人 五七五人

贈誠意伯憲 襲誠意伯

瑜字公瑾

襲誠意伯洪

襲誠意伯

世延字石圃

尙忠

來臣

襲誠意伯

襲臣

(葉臣庶兄)

襲封誠意伯

孔昭字復暘

元武宗至大四年辛亥(西曆一三一二年)

一歲

行狀：「公生於至大四年辛亥，六月十五日。」碑銘同。據傳：「八年三月，帝親製文賜之，遣使護歸，抵家疾篤。節居一月而卒，年六十五。」亦與行狀及碑銘合。

王冕二十五歲。至元二十四年生

楊維禎十六歲。元貞二年生

吳萊十五歲。大德元年生

余闕九歲。大德七年生

泰不花八歲。大德八年生

胡翰五歲。大德十一年生

薩都刺四歲。至大元年生

宋濂二歲。至大三年生

仁宗皇慶元年壬子（西曆一三二二年）

二歲

柯九思生。

皇慶二年癸丑（西曆一三二三年）